

東維子文集卷之二十四

會稽鐵厓楊維禎廉夫著

神道碑

元故中奉大夫浙東慰楊公神道碑

公諱字元誠姓楊氏系出漢震後五祖某自婺遷杭遂為杭人
祖榮祖宋承信則鎮江都統司帳前提舉父昌宋邳州萬戶府
經歷今贈奉議大夫樞密院判官驍騎衛追封錢唐縣子公生
而警穎長而玉立長身紫髯如畫天曆間自奮如京師受知於
中書平章政事沙剌班大司徒之父文貞王偕見 上于奎章
閣論治道及藝文事因命公篆洪禧明仁璽文稱旨使備宿衛
署廣成局副使特賜牙符珮出入禁中寵遇日渥擢中瑞司典
簿繼改廣州路清遠縣尹 上愛其廉慎有深沉之思留之嘗

謂廷臣釋迦班曰楊瑀有謀事必咨之行時秦王伯顏柄國一日挾太子縱獵上林上嘿旨竄陽春帷資公密謀禁近臣皆不預聞技去大慙如剔朽蠹朝端動色至求誠其面以為異人以功超授奉議大夫太史院判官繼升同僉院事賜金帶一貂鼠袍一公在史院曹局有以景星見請上聞公特不可曰使天下共見則為不欺越九日太白經天奏衆始服其有見上嘗從容詢公南土所居公對以西湖葛嶺之勝為洒宸翰書山居字未幾給告以榭勅賜贈考樞密公墓碑即日歸歸山掃迹城府者十年人不堪其淡泊而自裕如至正乙未中書奏公舊勞起公行宣政院判官時江東浙西盜群嘯乃改建德路總管建德古嚴州州在萬山中屬邑淳安又連歙境賊田歙闖我界而還者疑長樂鄉民為盜謀者執以歸諸獄連數百家民益詢上

師者謀往捕公不可曰虛謀者知倘因疑枉鼓衆亂賊得乘豐突來悔焉及我請撫之果不測當任其咎遂有與從數隸直抵淳安邑人嘗厄官軍抄掠已皇皇散匿山谷間公載米二百石聲言賑濟使縣令馳以諭明日師調兵來公禁止之使侍命乃動擅動者如軍法長樂去邑二百里今至布公意民皆歡呼持牛酒來拜公公喜曰吾固知民不吾負即曰偕師者還公蒞郡視之如家民亦視公如父母自江淮驛廢嚴為通道窘於供頓公信今晝之用給而人不擾將成過軍之政扈者皆服公信今田里不聞叫呼隨突於是像而祠碑而頌者凡十有四所前良二千未有也時公年已七十有三累請老丞相達識公數使勞之公卒謝事去是年行省承制已浙東師起公辭去居淞江之鶴砂行省最公功上中書升浙東道都元帥進階中奉大夫公

不起則以半俸優者焉所著有山居新話山居要覽行于世公
生於至元乙酉四月某日歿於至正辛丑七月十八日公長物
琴劍書外無銖金斗粟貧無以為葬闕八月六日兩浙漕使憂
公敦友義力賙其喪獲返柩杭之葛領先塋之次公娶某氏次
娶高麗氏子男六人長埴次垌埇培埇垓公卒女三人長適
鄉貢進士應才次適瞿彥俊次適懷遠大將軍同僉江浙等處
行樞密院事俞忠孫男六人孫女四人某於公為同姓昆弟詳
其出處行實諸孤哀衰詣邸次泣拜請銘義不容辭銘曰

人疑弗決我以籌人懼弗前我以趨叶彼爭前競決我止我
糾去權奸如贅由由兮物泊乎其不留於乎今之人古之求
我銘其人孰與儔

墓碑

故處士殷君墓碑

殷子姓以國氏逮宋避宣祖諱別族太史為戴氏者君之先也
及君而宋亡遂復姓殷氏諱澄字公原華亭人宋朝請君某之
孫節幹君某之子司法君某之弟也君家素饒財節幹君用好
施著于其鄉每大雪淫雨必載薪米遍乞寒餒人死無所歸者
為具衾槨窆之衆目之曰殷佛子娶鄉邑迮氏女得丈夫子二
君其季也君狀貌魁梧美鬚髯性介特平生無宿諾人有急不
一計親疎周之唯恐後衆有所爭來直于君得一言明曲直即
謝去不復詣吏有田若干畷終歲所入盡以贖人事苟涉大義
雖委身不問至元間天兵下江南將軍號揚掃地者帥偏師入
華亭君時避地南錢南錢猶保聚未肯下楊怒業以兵殲之君
奮曰我其可無一言而死乎我死今日否亦今日遂扣軍門求

見大言曰夫民猶水也水順則流逆則激民順則寧逆則亂矧郡縣新附民心未安將軍獨不能撫綏招徠以稱上神武不殺之德顧欲盡勦斯民何辜楊怒甚手劍片君君復正色曰殺我一人活千萬人我死猶生也語益激烈連人其裨將有感君語者起而沮之而楊亦憎服于時民全活者以萬計咸涕泣羅拜曰公於我生死而肉骨也願歲時伏臘祀公于社以報事聞丞相伯顏公義之遂用便宜授君華亭軍民都總管使守其地君即棄去曰大宋氏亡吾以親不亡獨不能逸乎遂服野服隱居胥浦上時時領客放浪九峰三泖間愴愴懷古日夕忘返慕其人者目為泖南浪翁君聞知曰甚善名我因亦自謂泖南浪翁云烏乎代之強仁慕義者不少也而多逸於野太史氏又缺焉不書是為善者終無以勸也君沒幾五十年而未有表白其事

者猶幸其概在人耳目者卓卓未泯余因著諸所聞為論次之使後有過其墓者得以知君之為人若此庶幾為強仁慕義者之勸哉君娶會俞氏女賢而無子先君一年卒又娶永嘉陳氏女生子四人曰實曰厚曰誠曰誣側室生一人曰某孫男五尚質尚節尚白尚功尚賢生女五婿曰吳郡顧諱吳興沈斯于宋諸王孫宜樞同邑倪乘吳郡章禮曾孫男八陞奎璧堂塾塾聖女七玄孫男二君生於宋紹定己丑六月二日享年七十有七卒於國朝太德乙巳九月某日塋于華亭縣胥浦鄉五保謝家原合祔俞夫人之封後十四年而塋陳夫人于其域又三十二年謹乃樹石墓門而會此揚公為叙而銘之其辭曰仁之言利既博叶仁之行聞卓卓矢一死買萬殤棄爵秩不以償北強以兵叶南義剛若斯人者殆南方之強非歟嗚呼

斯人吾言不亡

改危素桂先生碑

信之龍虎山為漢天師張氏之學者恒千餘人其卓犖瑰奇之士亦間見其間若桂先生者是已先生諱義方字心淵世為信貴溪人母先生時夢李淳風寄宿因名李寄長從上清宮熊尊師學元貞元年從天師張公朝京授蘄州道官歸而散其衣資飄然有遠志周覽名山由武至匡廬夜宿太平興國宮龍出屋後無犯先生居蜿蜒辟易而後去數飛躡曾崖與豹同行好事者真能蹤跡之樵人有見之山南同日又有見之山北者山中人酒熟曰願安得桂先生飲之俄先生至欣然就飲所飲者家以為吉徵尊官顯人過江上者咸願見先生先生見不見人莫測也江州守某乞詩惟書一閑字與之踰月以事去官先生率

意成詩書座右

多傲世絕俗語有金蓬頭者居聖井山先

生致書封題甚謹登之白紙耳金大嘆曰至此果無說說矣道士吳李誠作渾淪菴迎先生居之先生嘆曰明年吾當歸矣明年至正元年正月朔翛然而逝越三日山南北道士奉遺蛻葬諸聖治峰麓道士方從義為予言先生之族有公武者號抱甕先生得仙術卒葬分嶺中夜家間有聲詰且視之但空棺耳有仲勛者號閑閑子通內外典與丞相陳福公為布交先生之兄與信號點點子學道終南山緘口不言升座而化三日容色不變豈其山川之所鍾然也耶子昔游潯陽見先生聽其言無過高難行之論吁有道之士哉銘曰

柱史度關騎青牛 五千遺言增隱憂 更秦遠漢習益瘡
燕齊方士相呀咻 道人隱居恒內脩 漆園尚友天同游

一朝委蛻去莫留 太史作銘表其丘

墓誌銘

故忠勇西夏侯邁公墓銘

君諱邁里古思字善卿西夏人也曾祖月忽難祖也失迷俱不仕父別古思宦於杭生君自幼有奇氣善擊搏技既而自悔曰伎勇有敵聖賢之學無敵也遂從師通詩易二經以詩登進士第官紹興錄事長槍氏市馬紹興挾苗兵為佐白取餘食市間不問苗真偽咸拘囚之傳其爰上省李官時苗長虐令如火莫孰何又有省府十夫長與群攝師者根株為奸利拘苗長文告鉗結東徒大姓家且縱苗白日什伍鈔氏君下約民曰人怖狼狼亦怖人狼弗殺食人爾錄長無至帛狗馬身及赤口四耳誓以家徇殺根株鈔民者民皆俯地雷應曰惟錄長君命夜交乙

君躬率民兵殺苗不遺一噍盜起發牧溪洞君以大夫命領所部抵洞賊問官軍姓曰邁某也皆倒戈罪君牧撫之不血一刃府命據蕭邑私聚民糧黷民貨斂民土田聞君到邑怖而匿去又明年西寇犯浦江君率兵至諸暨寇聖風遁領臺命守諸暨臺借糧於民下令會府民無受令者君班師群城諭以文告民輸糧者縱屬不絕功無堅敵字民如子令無不行彼首經歷江東憲府事瀕行民哭泣擁馬首不得行時海寇勢橫甚虎踞娥江君奮不顧身為士卒先追迫其人於數百里外大卿在南端覆石海勢佯浮宴君陰畜健兒戶下袖金字羅擊死之屍瘞戒珠僧院民皆麻衣跣慟從以萬計贈官中大夫僉江浙樞密院事謚忠勇封西夏侯君嘗詣曰吾死使君子題其冢曰義烈墓文必賴直筆者傳傳無出會稽抱遺先生也著識之今不幸

陷死地先生嘗以其人入鐵史編收吾名足矣予為之泣然殞
涕曰天將滅乎狂醜也使長城君也生天未滅乎狂醜也長城
君溘先其死死又非地也天之生才其有以乎無以乎吾無從
而叩也悲哉銘曰

吁嗟乎善卿生也者吾不知胡為而生死也者吾不知胡為
而死生不世籍年仕不四年而名長萬記嗚呼獬豸折角兮
麒麟跣趾豕突西嶽兮鯨翻東海已乎善卿爾果胡為而生
又果胡為而死

故翰林侍講學士金華先生墓誌銘

先生諱縉字晉卿姓黃氏其先自宋太史庭堅之從父昉繇雙
井家浦江後遷義烏遂占籍焉曰伯信者先生之高祖也曰夢
炎淳祐進士仕朝散大夫行太常丞兼樞密編脩官者曾祖也

曰愕以進納恩補承節郎今以推恩贈嘉議大夫禮部尚書上
輕車都尉追封江夏郡侯者大父也曰鑄今贈中奉大夫江泚
等處行中書省叅知政事追封江夏郡公者父也中奉公元出
朝散公外孫女王氏歸丁應復之後嘉議公疾廢育之為子也
妣童氏追封江夏郡夫人夫入任先生時繡湖水清歷世有四
日夜夢大星煜煜然墜于懷公始生至元十四年之冬十月一
日也此成童不妄踰戶闕授以書矢口即成誦年十三隸文作
弔諸葛武侯文為鄉先生劉公應龜所奇因留受業大德五年
舉教官舉憲史已而復棄之多忤上官去延祐元年貢舉法行
縣大夫以生充賦古賦以太極命題古賦以極命題場屋士不
能為獨先生以楚聲為之遂冠場明年奉大對授仕郎寧海
縣丞江浙省臣承制遷石堰場監運事秩滿陞從仕郎諸暨州

判官至順初用薦入為翰林應奉進階儒林郎丁外憂去秩服
闋轉承直郎國子博士閱六年請補外換奉政大夫江浙儒學
提舉時先生年始六十有七不俟引年以侍親疾絕江徑歸俄
有旨預脩遼金宋三史丁內憂不赴服除以中順大夫祕書少
監致仕久之又被上旨落致仕仍舊階除翰林直學士至京中
書傳旨擢兼經筵官召見慈仁殿荐陞中奉大夫侍講學士同
知經筵事明年歸田里不俟報而行上聞遣使者追復前職又
明年始獲南還閱七年而薨享年八十有一葬縣東北三里東
塋之原娶王氏將仕郎桂之女封江夏郡夫人先一年卒男梓
用應入官忠顯校尉同知餘姚州事女清適惠州學正陳克讓
先生位至法從蕭然不異布衣時又寡嗜欲年四十即獨榻于
外給侍左右者兩黃頭而已遇佳山水竟日忘去形於篇什多

冲淡簡遠之情然性剛中觸物或弦急不可犯少時即泮然無
復停礙與同鄉柳太常貫為文友風節文章在柳上人呼黃柳
其論著依據義例攷授的切在禁林三史惜以憂輟其脩后妃
功臣傳士類服其精蓄經筵處講文皆切於治道之大者晚年
喜為浮屠亦研極其閎盪之說請者盈門馱亦麾之去其為文
表箋書序傳記實說誌銘凡若干篇曰損齋藁若干卷義鳥志
若干卷賦若干首於乎我朝文章雄唱推魯姚公再變推蜀虞
公三變而為金華兩先生也五峯李孝光嘗與予為兩先生評
余曰柳太常如東魯杜翁課問閭子弟言言有遺事黃太史如
獨繭遺絲初不諧衆響至趣柱絃激絕之音出於天成者亦
非衆音可諧也孝光以吾言為然太史攷文江浙時余辱與連
房卷有不可遺落者必決於予在杭提學時謁文者填至必取

予筆代應且又不掩於人曰吾文有豪縱不為格律囚者此非
吾文乃楊廉夫文也自京南歸時予見於天竺山謂子曰吾老
且休矣吾子宋絕辦已白於禁林宋三百年綱目厲之子矣嗚
呼今亡矣吾終不得為公史臣徒矣悲夫因其鄉生浙西道廉
訪司僉事鄭公深出其徒宋濂狀求予銘遂忍而銘且悼喪亂
未得謚於朝與其徒私謚曰文貞先生銘之辭曰

大之星煜煜兮繡之水穆穆兮文之毓兮大星翳兮繡水墮
兮文之逝兮惟文之鳴兮大音在邇爾鏘兮我瑟我笙
枅之曳兮會之成兮氣一并兮有元氏之聲兮吁嗟今嘿嘿
兮孰見古人之颯颯滄響以上駢兮膏吾車其曷從

有元文靜先生倪公墓碑銘代歐陽先生作

玄間房山高公克恭在南端時薦天下士五人曰教公繼翁鄧

公文原陳公康祖倪公淵姚公式天下謂之五雋鄧公官至法
從教與姚卒官文學倪公晚始以縣大夫引年然皆以文行相
高論五雋者不以位之崇卑優劣焉玄慕五雋如慕古人而倪
公之孫璫奉公之門生鄭汝原所狀行來謁銘其墓玄忝論選
之職銘公何憚抑何幸哉公諱淵字仲深其先浚儀人出漢御
史寬裔五世祖南金以武弁仕宋從其君南遷因家錢唐四世
祖某又從家烏程故今為湖州人曾祖俊民弟仕祖椿年路分
兵馬監押父守真自號愛山處士以公貴贈承務郎松江府判
官母濮氏贈恭人公生而卓異精敏絕人讀書過目輒成誦嘗
則前人之勤以自課命其書舍曰經籙長遂通五經尤精於易
三禮初用薦者言為本郡學錄及高公以五雋並薦於朝未報
而行省調公杭州儒學正江泐字憐吉解平遣子從公受學且

移文中書舉公可教國子而中書已擬臺章所薦五雋各補郡文學乃升公為杭教授在杭學復田之曾沒于勢家者若干畝新學舍造祭器撤上丁俗樂訪得宋太常樂工兩人俾以雅樂教諸生宵監聞之因招致兩樂工為國子樂師今諸郡學皆作登歌樂者實自公倡之中書左丞高公昉又舉公編脩官以親老辭乃授本郡教授以便養未上丁外艱服除在湖學恊安定舊規列經義治事齋以惠來來者為為立生祠公移文止之不得窮往撤之用累攷入流得當塗縣主簿時長官皆以故免去獨公理縣事縣版籍不明公手為分劃編次瞭若指掌二稅始如期而集歲旱民告災慕長斥去所上狀公曰錢穀國計民生國本理末而撥其本可乎語不合投劾去闔府駭然遣吏還留之一以檢覈委公民賴以蘇縣前以沮格久之公擢得舊田立

復田為塘和州民有田在縣境猾民與交易券成而負其直訟則執券折之官莫能下至是越江來訴公探得猾者情始懼卒以直歸之民立異姓為後者所後父母歿且十年有同姓而非族者依倚前官牟其產至給帖者左驗民直於公公曰按摘其誣者數事盡反所敘部使者元公永貞至郡廉公德政曰吾按太平池州得良吏僅當塗主簿而已遂薦公可一縣令而公已無復仕進意告老而歸受加恩承務郎杭州路富陽縣尹致仕既老子家杜門罕與人士接益潛心於易著易集說二十八卷圖說叙列各一卷病革之夕猶置易几案諷誦之語其子曰死期至矣夫復何言須臾脩逝至正二年夏六月二十九日也年七十有八娶鄭氏先十八年卒贈恭人子男三人長驥已卒次駿松江府儒學教授次駉女二長適楊福孫亦已卒次適陸元

瑾孫男六長璆用公廕為紹興路錢清務副使次璠璋瑛瓚
女三曾孫男二女二公昆弟四人伯叔季俱蚤世叔有遺孤甫
四歲撫而教之踰於己子伯季皆無嗣則以駮駮為之後駮等
尊治命以其年冬十月某日奉柩烏程縣德政鄉毗山先墓之
次學者私謚曰文觀先生韓子曰位不稱德者有後公感年以
俊稱於時而官僅佐下邑非位不稱德者歟知其後之必大無
疑也銘曰

先生之氏 自漢御史 經鋤有堂 探易詠禮 吁嗟先生

蚤有令聞 五雋同稱 爭翔競奮 宜位館閣 歌唐頌虞

大道甚夷 先生徐徐 白首窮經 覺我後覺 晚佐一縣

亦展所學 鄭公註禮 註律益精 焦氏治易 治盜有聲

位不滿德 時人所惜 君子處之 惟謙故益 益不在身

在其子孫 史氏有撰 貽歎後昆

亡兄雙溪書院山長墓誌銘

君姓楊氏諱維翰字子固自號方塘越之暨易人曾大父文脩
號佛子子朱子為常平使道楓川聞其名請見與談論竟日及
遇異人移所患痛安易韓先生某為述私傳大父宓父寧皆有
隱德鄉里推長者母同里劉氏君生至元甲午正月二十日父
嘗目之曰是子生有神氣長必大吾宗時伯父實以倉使歸老
于家禮聘名儒若東泉陳先生某桐西馮先生某為之師從父
山陰縣封宏叔父賀皆喜讀史君與維禎攻學無寒暑抵夜以
漏分為度睡則以水沃面君於經子能以疑難詰其師會其解
而後已辯史至繁節連柱兩叔父長作文著三蘇字帖喜雙井
黃氏每讀上韓太尉書擊節慷慨曰不讀此無以發人浩然之

氣朝廷貢舉法行維禎中進士第君以文過其屢為有司枉遂
筮仕郡文學初帥府檄為慈溪邑校在職不事瑣屑惟推經術
贊縣長為治后遷天台已校先是維禎尹茲邑稱弟子者安普
氏許廣氏君至尤以作人為任時安許氏皆擢第歸事君猶師
焉遣子弟及邑俊彥傳經者百餘人邑士語曰小楊君政不忘
大楊君教重光考滿陞饒之雙溪山長郡守韓公鑄素聞其人
一見即器重稱其文議論高古有氣燄可畏尤愛其詩有大曆
體無幾保薦于江東分憲業用而以病卒官舍時至正辛卯正
月十三日也君素肆直無表掇衣不事兼副被服恒如寒儒未
嘗少降辭色希悅於人所居州里有公議句論裁可否不合申
辯不休不為權力屈時人誦曰古之遺直者晚年游戲墨蘭竹
石極精妙興至即揮洒侍筆札者給弗之暇人求者無貴賤悉

為作時監辯博士柯九思自以為弗及推曰方塘竹去尤好覽
天文及天下名山川形勝有所得則述為歌詩人爭誦之號光
嶽集攷經有釋穢錄書畫有藝游畧君男一善孫男二樹河女
孫一君嘗戒善曰女父玷校官女叔掇上第女母鄉先生虞雷
氏之孫也女弗學振吾家聲吾弗子幸今善苦學有志操吾期
其有成克應先訓君年五十有八死一千里外善能不遠水陸
力護柩歸舍以是年十二月甲辰克塋于長寧鄉馮山祖塋之
次從先志也越明年某月日善至吾錢唐官次泣且請曰先君
不幸制竒數年不周六甲官卑無治狀其器業文藝又不得善
文言者為之章顯地下重不幸善重不孝代之善立言者善未
聞幸叔父勿讓銘吾先君維禎為悽然感涕叙其概而銘之曰
干將不斷堅不以稱不利騏驎不馳遠不以稱不力於乎伯

也言為世格行為世則不大祿食以放厥職於乎伯也窮居
大行蔑損與益吾與伯也講之白矣吾又何計位卑與崇壽
遲與迫耶

故義士呂公墓誌銘

公諱良佐字輔之姓呂氏世居松之呂港大父德謙父允恭字
萊翁皆隱德不仕公早穎悟讀書輟強記了大義長儀字魁梧
器識才幹尤係人望咸以公輔器期之以其出太公望聖嘗釣
德璜又識其港曰璜溪號公曰璜溪處士性至孝奉母謝氏養
與禮不旦暮衰母疾身不脫帶者三月久不瘳禱以自代母卒
哀毀終喪制闕邦大夫挽之仕弗起然政有不決者必咨之郡
饑有司申明發粟公笑曰必俟明降而賑民尊矣宜先假粟富
民俟降以償則富者無費粟飢者獲全生郡善之貢舉法聘碩

師教子復出厚幣為賞試曰應奎文會貧時好學者建義孰收
而教之金華黃太史縉嘗記其事兵興來總兵淞者聞公才傑
至枉駕公廬與語大悅即板授公華亭令公請以白衣議事却
板授總兵蓋賢之署曰義士俾自集白甲保障其竟時公已散
財收死士三千餘人適斤鹵羣不逞乘亂起烏合挫毒甚公徒
釋棚走不勤官徒一鏃弟指授白甲用水火舸取其魁如利獺
取緇羣從盡戢竟賴以安者數千家總兵者問奇功公曰醫恃
鏡砭理疾而小巫用精籍亦理覆進其魁祭於兵曰天下之物
莫毒於鷄毒而醫家珍而用之總兵是其言轉無俾為精兵不
勘淮兵難渡主師者辟公幕下力拒不就繼取其子恂判海鹽
時浙垣首相以承制除拜遂敕授今佐鄉郡又力亂私謂其子
曰時平庸才高枕而有餘時危豪傑運籌而不足非蕭鄼侯曷

治漕韓淮陰曷調兵而魯連子曷出沒亂世而裕如也吾願學
連子而已耳又喟然曰日月利矣昭然有不紊者江河壅矣浩
然有不竭者孺子其俟之公好義出天性里有飢周之婚喪助
之四方大夫士歸之者歲無虛燕來贖往靡馱勸得美譽湖海
間呼為淞上田文獨不賢異端之學緇黃者接其人而不談其
實術其高情曠識獨立物外者人又莫能窺羅世難虞謙享自
若與知己飲酒率過丙夜極起自舞考鼓吹笛復飲不亂平生
少疾臨終無一語及後事但曰吾年六十有五不夭已又幸不
死叵測復何憾生元真乙未歿至正己亥娶高氏征東萬戶宣
武公孫女也子二長恒次恂女三孫五充閭復亨恒子也宗齊
宗嶽宗墜恂子也冬十月辛酉葬瀆之北原先遠日恒衣衰抵
予杭次舍泣而舍杖拜曰先子不樂仕無治狀而義行在鄉善

言在家在邦者又不得名能文屬比于志不孝在後嗣奚贖先
生恒師而先子大賓也辛亥而賜之銘吾為位哭杖淚以銘念
古衛公叔文子之謚君子韙其貞惠今淞人飢而夫子有賑粟
不貞乎具二善而不祿命宜謚曰貞惠云銘曰

踏車無仲尼覆舟無伯夷義以勇卒全以歸曰貞曰惠匪謚
予私於乎嘻莫尊乎野而位者覆卑璜之澣粟之垂有過其
墓而慕其人者語吾銘詩

李元卿墓銘

元卿名字顏忽都國族也泰定四年阿登赤榜賜進身出身授
某官二十年官至江浙省宣政院判其為人有氣節在官以廉
直稱遇事善持論裁人倚為平擢第後盡舍所為文傳極經史
諸子百家古詩人騷選樂府歌行出語務追古人至正壬辰紅

中寇江南元卿官歲滿以本者檄起摠制浙之三關理戎職
岩、有風采蘄賊有戢草聞者必游傲得七必剽珍俾無育於
邑安集邑遺民民倚之為藩衛歸之如父母閱三年忽以謗去
官過杭見余無幾病風竟不能出語卒卒于台某所踰月其子
武童與其門吏始訃余草葬台某山徵墓銘余與元卿同年也
不得辭銘曰

十夫揉惟曼至投機一語所畏無翼而飛卒至於犇而病病
而暗之而死也吾於元卿乎何悲

歐陽彥珍之銘

君諱公瑾字彥珍其世出廬陵宗文忠公脩今翰林承旨玄功
從弟也祖某封某官父某不仕君自幼警穎長通經術旁及書
數兵刑之法試藝于有司不售憲府才其人舉為司書不數年

掾行中書考滿都事浙東帥府在掾時執政者多仕已喜怒不
以民害利為事君抱卷執議未嘗少阿法當而人利者必累請
必行後已不當雖受怒罵必捨階事有它掾不遑行止者必行
止於君其在帥幕建議以伏海寇當以長伎久筭不宜試小計
規小利以為功又某官恃文事往喻寇君力言不可喻幸小順
乃大豢不順即不順喻者必死為大國辱已而果然嘗建平海
策若干言主帥者不能用請辭職歸養太夫人不可鬱成疾未
幾以太夫人憂去職執喪如禮法制闕遊淞中得疾友家歸卒
于杭君娶閩王氏宣文檢討餘慶女弟也子三人長太平次某
女四人皆妻名士臨終謂其子曰吾結貴交多市道惟會稽楊
某為吾道且為古文名東南汝往請銘平服縗來以遺命泣而
請銘曰

在家温温在官墳墳墳有法温温有文故家為孝子官為
幹臣幹曰必了不了嫁婚幸終其親其又何冤

趙公衛道墓誌銘

公趙氏諱榮字衛道號素軒居越之姚江宋燕懿王德昭王之
十二世孫曾祖希秦宋朝議大夫知衢州軍州事贈大理寺丞
祖與宜宋朝散郎溧水縣尉父孟佖宋朝散郎慶元路沿海節
叅贈太府寺簿母恭人董氏先係五世祖太師諱師龍長孫孟
尊之第三子也寺簿無子螟之公博學於書無不讀讀必有論
裁學成無所於試大德己亥江淞儒司舉為昌化教諭轉桐廬
教諭由年勞陞饒之長蕪書院長復長温之宗晦書院元統甲
戌受牒命教授温州越五年教授常州在處學校有濫給廩給
者必首次之以其膳膳儒之老病殘疾及貧無依者早年散家

貲結交先達凡工文與琴畫律曆醫藥陰陽者家皆館食西廡
不以歲月計士友告急度家即盡如所請與之致空囊不問酒
澆量能倍斗酣飲為古歌詩聯童叟韻對客可待嘗與友飲大
醉梅花樹下曰梅花獨不能飲乎急呼酒用大白海洗其根且
為問梅辭又為代答辭平生所為詩無慮數百什名素軒集若
千弓公生于某年卒于至正四年六月五日享年七十又一明
年塋于姚江雙鴈鄉之原孤子磐持其叔敘狀詣門泣道遺命
求予銘予以蚤歲託公忘年交義不得辭遂銘曰

王之孫降皂閣君為孫而文詩英酒聖交有神大樹勸汝海
白樽歸大樹羅之村

南容教授杜公碣銘

祭統云銘者論著其先德之
善功烈慶賞聲名於天下

子友襄貢士曰章嘗將其子杜友直來謁曰此南容教授曾孫

其仲三而續文脉南容者直也閱三年直以南容公行狀謁予
松江次舍吾祖仕不大無功狀爵名可書然德善在鄉有足示
後者直大父父不獲登先生門直獲登焉而先生賜銘曾大父
大父父晦先德者庶直足以贖之子閱狀證之以鄉父兄之言
則知南容長者也人至以三杜姓其村其教澤淑於人者淺而
義行範於人者遠也初季父某無後螟莫姓子齒幼復以公為
後季父歿俟螟齒長以家產歸之而復冠娶待之不異同也皇
慶間其族困於里徑公倡率義役曰歲儲粟若干給之隣里姻
友不能嫁娶喪葬周之各有差曠道有漿斷津有梁凡歲於急
義即勇為者類此予因喟然曰吾周遊東南大族甲姓優為此
者不足多公以中產為之難也必有饒貲家利酷權兼兄弟戕
死里氓者不顧呼鄉父兄之談南容長者之不去口有以哉此

宜得銘也公諱英發字俊卿蚤年遊京師以才名得學正建寧
年勞升南容教授未幾即棄官歸隱于淞之西霞自號西霞道
人歲延碩師教子弟秉責士嘗客其所娶某氏男一孫一曾孫
三友直友諒友聞生于宋己巳卒於今至正庚寅享年八十有
二葬青龍之原村祖塋預思菴之右銘曰

彼戕同氣我友蠶以義彼併連阡我給征以田吾知南容義
且仁出於性覃於人澤及後昆至今鄉之人襲杜固姓其村
白雲漫士陶君墓碣銘

天台陶孝子宗儀死其親已三年制闋猶衰衰來拜予雲間次
舍泣而曰今日奮起風雲附王公大臣者其聲光赫矣然有身
沒名者必托之名能文家否則與腐草同盡孝子官卑志則大
志粗見于歷官者無名能文書之儀坐不孝先生名能文言又

足信萬古敢以墓辭不獲按遂昌鄭元祐狀君姓陶氏諱煜字明遠自號道輿山人又更號白雲漫士從鄉先生周公榮學成遊京邑王公貴人償其狀貌言議傾下之已而翩然來歸曰燕趙多奇士今所見乃爾家貧親且老遂屈身就祿試吏蘭溪州陞補江陰州州民有劉鐵者欲犯屠人妻屠訟鉄鉄抵罪怒縛其卒妻犯之屠投刀刺鉄君議奸殺非故此屠免之君平反部使者審讞一如君所言又豪民朱管坐殺死籍沒兩家田歸丞相府相以無賴少年為爪牙縱暴陷民財民被榜掠死者無筭有訴於府者府從風指莫孰何君進白府曰朝廷命公尹是邦忍坐視赤子殞命於餓虎之吭耶無賴者覆說文移省為遣使至府府賞以幣以年勞除杭州東北錄典史有畏吾人與其妻生女已十歲一朝為省行人即別娶抑賤正妻且墮一室囚

之婢引女訴主母枉錄長不敢受詞君曰此婢去三人俱死矣遂受詞伸理行人坐黜退果遷湖州歸安時湖州已陷賊君從主兵者劃計策逆復湖州之糧君為檄文歸安時湖州已走一介召諸艘其至無時刻違錄功中書不報調紹興上虞縣嘆曰吾懷抱利器不後於今之人而浮沉六察不得與今之攬權力者比年已莫死將至矣尚何言哉遂卒於郡都昌坊之寓舍享年七十有三戊戌九月二十七日也配趙氏故宗室諱孟本女也子三人長宗儀宗傳宗儒女三人銘曰其貌魁如其論魁如考功千吏秩乎不可誣用不能大卒老死簿書噫嘻乎自古才而仕仕而漫者豈惟是夫

兩浙轉運司書吏何君墓誌銘

君姓何氏諱宗實字誠甫其先曾大父直方錄東平徙杭大父

德遂占籍為杭人父祥娶周氏皆樂善好施君微時遇善相者
曰此子神清骨秀他日樹何氏門戶者必此子也既長喜讀律
能權衡世事料後成敗如著見性鯁直弗尚外矯為義不讓人
遇不義退處如怯夫尋試吏下邑以能聲著陞杭州府史明年
秋郡當慮囚檄君典獄案君窮爰書底訊鞠論報發其留白李
官悉決遺枉者昭雪不以嫌避囚有法當剗時犯者皆貼死君
曰剗雖著令民迫不得已耳上方施仁政恤肉刑鼻可以死地
棄我君以墨限剗當法而已咸謂如其仁如其仁後境為故事
格當調調者咸購大郡有賢守將足矣郡奚擇於大小卒調昆
陵居無何進曰郡守行仁政必自鰥寡孤獨始矧舊制立養濟
院惠民局以濟窮察病今院概非窮民處局又弗核實鰥寡孤
獨何利我郡守下其議郡轄二州邑賦役踴難治田畝多為勢

匿郡守選君土其地均之君詢高年究畝瘠肥及核戶豐約繇
賦役均穀祿平為鄰郡寂尋富民妄訴田有灾君詰之辭窮要
以賄君曰吏當守法農當守耕尔以豐為歉詎縣官我以法覈
實奚敢以賄敗我法卒黜之郡守賢其大呼必以字戶部尚書
秦公為兩都運使道過昆陵詢能吏于郡守以君對秦公亦素
聞其能因訪以益筭君疏上利病大奇之會丁母憂事輟服除
起服為掾是年儉運判李公分漕嘉興君立條告先輸者賞後
者罰民誑誤禁者出怙者必刑時天積雨盈不成益君齋沐露
禱明日雨止鹽賦告足咸以為何君至誠能感神明年典戶曹
君樹格殊常式四方商旅來者如市賦用倍盈事聞上錫酒
旌官吏勞官曰何掾服勤宜先我酌君以為吏筮楚民之賦羨
而受上賞後必有甚焉者遂解去郡邑大夫高之日造其廬與

評事君辭不可遂隱居玉泉山自號一懶翁君素仁孝慈愛所得俸奉母外以單于族母疾晝不出夜衣不解帶母於朔望夜嘗露香禱天曰富貴非吾願願吾孫事吾子亦若子事我也杭城災四止成墟君室廬獨歸然存人皆以為孝感所致兄宗茂同居無間言怡如也妹一人適戴氏戴沒君給養其家子女為嫁娶隣婦有哭其傢者君微之喪其良人貧無以治棺即賻之他日婦至請備以償直君曰周汝急豈望報乎婦謝而去君當屬續神裁不變召其子敏及兄子敬於前命之曰凡子之事親生事以禮死葬以禮爾慎毋為異端感語終奄然而逝君娶沈氏勤儉有家法生子一人敏是也又賈氏生女在穉敏力學不倦有司辟為浦城縣學校諭未上而君卒君生於前至元甲午夏五月十日卒於至正十三年正月十有九日享年六十歲是

年三月壬申葬于錢唐北山玉泉松義里之原敏樹石丙舍哭位來乞銘銘曰

展矣何君如其仁刑有剗與死淪君乎施之復生存風穴屋廬無間隣君一室奉親人莫與京而獨得于天叶嗚呼何君如其仁年不踰甲祿不享夫身尚嗣爾後人

東維子文集卷之二十五

會稽鐵崖楊維禎廉夫著

墓誌銘

馮進卿墓誌銘

富春馮堅氏東萊來拜予姑胥舍次曰堅不孝先子以某年某
月日猝亡堅忍死將以某月某日葬先生以異姓弟先子亡無
先生銘與草木役役也堅不孝益甚予為之位哭堅歸而畀之
志與銘使刻諸碣云君名士升字進卿其先陳留人自其曾大
父志學徙家杭之富春山遂為富春人大父從周宗承事即華
亭縣鹽場提幹伯父驥宗武康主簿宗亡死節于獨松關父革
不仕及長跡跡不羈而有志通律令圖籍及九丘之書以時
舉子業為俗學弃弗習然負器畧喜功名慕溥介子班定遠之

為人嘗欲走京師吐其磊魄者于執政貴臣以為世之爵祿可
俯而拾也至正初漳徽賊作朝廷聚湖江浙之兵相持不即
殄滅君欲獻策招誘不煩一夫之遺可每繫弗行晚乃與群弟
拓祖廬起大門宅捨同居不分宅成而君卒矣享年五十有一
嗚呼君之器可謂奇矣志可謂大矣而訖無所就以卒嗚呼天
既生人之才以為用然又天闕不使直遂者不可得而知也君
生於大德丁酉至正丁亥五月四日卒以明年某月葬某地第
四人士願士晉士豫士仁娶裘氏生男堅女貞孫男二人允邵
允文婿為同里諸國用嗚呼以君才之蹈志之縮而卒也則其
有後者可知已銘曰

已乎進卿有才以為庸有志以為衷天既信其始而又絀其
終彼蒙者從我明獨則凶已乎進卿貴也者吾不知其所已

已通賤也者吾不知其所以窮

虞隱君墓誌銘

吳郡海虞山之陰其溪曰東廬有隱君焉為虞仲元氏生于前
至元甲午十月十有三日歿于至正戊子三月二日是年十月
某日葬于虞山西麓小澗之原先塋之一月其孤德懋來拜余
吳門曰先君生無仕績禔于世死不得文可傳者銘草亡木卒
耳不孝孤惟是懼且今奎章學士虞公集游吳謂君曰吾渡江
派有在海虞而海虞之隱德賴有君焉於是與公通譜牒吾子
公之上第門生幸有以銘諸按狀君名安垕字仲元其系實出
虞仲氏自唐文懿公世南陪葬昭陵始為雍人後十有一世某
從僖宗入蜀又為蜀人八傳而為宋太師雍國公兄文扈駕渡
南子姓有尋周讓王之隱迹于海虞者故隱君為吳人曾大父

某弗仕宋將仕郎父某弗仕母郭氏君生而性靜深長有器局
謹事其親如禮甚親歿事其長如父家政必承其出又必相其
審於義決於三力也故舉無過盡時節祀先必哭泣若初喪時
歲延碩師過子姓以道義學將招其私塾籍私田其中以為先
氏虞仲學官事未集而歿兄弟同居者五十年鄉黨以孝友聞
姍戚朋舊服其交久而敬後至元間行丞相府聞其人才且賢
嘗檄授福寧州路都監稅官君不苟進曰使某有仕官情吾官
不在莞庫家矣遂謝病傳事家督不入官府不事御里請謁自
號野齋然郡有名公卿往往以客禮見之垂終呼德懋無他語
惟曰吾幸生承平時竊師友之教安富尊榮優游以卒世得為
一世全人吾復何憾爾曹勉旃不為吾不為為吾所能為而已
娶同里望族周氏恭儉慈惠克相于內子二人長德懋也娶同

里沙溪故宋楊察推女孫次德賢居幼女一人贅同郡干尚書
孫德潤孫男一人寶住夫德有所助雖賤必書春秋法也樹石
立銘固不得顯諸六服官政者若君引迹自晦上德有光于虞
仲得稱隱君焉是得銘已銘曰

繫海虞氏

繇隱南軒

迨雍國公

南派又分

式忠式孝

在爾子孫

相尔子孫

既才寔蕃

才而弗用

用野自文

觀其事親

出可事君

夫豈莞庫

而可詘身

為世全人

闇然而晦

年若弗永

永德于聞

大海齋齋

小澗法法

我文著隱

勿崩其墳

吳君見心墓銘

至正八年十月二十六日余友富春吳君卒家貧無以葬閱明
年十一月某日賴同里友馮士願葬其地其孤毅來求銘余悲

不忍銘往哭其墓毅申前請嗚呼又何忍不銘君諱復字見心
生有異秉四歲能誦書千餘言弱冠失怙刻苦讀書不以貧難
少置生無偽言行與人約雖千里外不失期刻性喜吟哦善効
白長慶歌謔襟詩有諷切貪奸其人諱者欲以危法中之不為
屈予讀書大桐山中時君過長書願與弟子及余寓居錢唐太
湖間遂舍妻子從予遊學古文歌詩始君持所作詩來自粵穢
同列詩屏棄如棄涕唾余攬詩咲曰子欲革李唐皮亦至高欲
追古必焚滅舊語君變色不敢言徐取楮筆錄余琴操及春俠
辭二十餘首去越一月復來謝曰先生詩法得矣吾舊詩亦焚
矣第出語猶吾前曰詩也柰何余曰姑歇汝戎事靜讀古風雅
騷及古樂府幾耳又退而閱三月來出所作曰余舊語忘新語
出矣賴先生教幸而或馴致於古遂編次余古詩凡十卷加以

評註能道余所欲言余詩有逸者君輒能補之觀者謂可亂余
真自後下筆必出人意表嘗雪夜與余遊東西洞庭徒步登七
十二弁之峰其語益厓拔皆奇氣所鍾世人莫之識也去年約
余遊廬山觀瀑布馴至岳陽訪鐵笛亭未行而以病告病三月
而逝矣臨終告其陳倫曰天乎死我矣使加我數年吾詩不後
二李吾文不遜吾師嗚呼君死矣吾愛遊大山長谷孰余相耶
吾唱古歌詩孰余和耶吾性急卒未能寡過君孰直敢議又孰
余議耶吾見君之學也如朱頓積不訾江河之傾不可休其立
志如匙勘鑰矢破的為文如大將旗鼓建而三軍所指無不如
意蓋其來日登而未止迺今止於斯耶前年夢遊天漢探天孫
支機石穴為研池遂自歸雲槎秋客而所携研且踈機石云嗚
呼君也生而食不給祿不及也蓋不以外者為憾矣其不五十

而卒也又豈以為憾哉大父某父某皆貧學而不仕娶李氏子
毅穆女一人適同里余驥世傳其雲槎集凡十卷茅山張外史
兩為之序云銘曰

嗟吳子雕龍貴麟賦天真天所嗔子之道宜鬱屯嗟吾子忽
已淪文不死千萬春

孝友先生秦公墓誌銘

孝友先生既沒五年其嗣子約因其友袁華謁予雲間而致其
辭曰約不幸先人學而貧貧而又不得高年死又得名能文者
銘重不孝先人事業不用亡得稱行義著述有不得不自者已
賴揚東溪氏狀其詳敢丐吾子屬比之余始來吳聞昆太倉為
貨居地不為習屈挺然以文行自立者二人焉曰東溪老人楊
公諱泊先生也予皆不及識矣而獲見東溪老人楊公諱泊先

生也予皆及識矣而獲見東溪所為先生狀蓋若識於目睫間
故不辭論次其事而銘之先生諱玉字德卿姓秦氏其先鹽城
人世以儒學顯宋紹興間由其祖徙居崇明之東沙與袁陸謝
為墜族而秦氏尤以衣冠文物稱重其鄉曾祖棟祖楨皆宗太
學上舍生父庚從蛟峰方先生學咸淳末以詩試通州第一入
國朝不仕漕萬戶玉溪劉公聞其隱德延致于館因又徙昆之
太倉家焉君四歲即嶷然不群能屬句對五歲能暗誦孝經論
語八歲而喪父哀慕如成人母顧氏日夜躬織紵資先生亦感
奮曰吾家世有聞人其自我斬乎益刻苦自力比長通五經
尤邃於詩會貢舉法行州長踵其舉先生曰予學豈為決
科計哉遂辭性至孝友事母與兄無違禮事大小悉稟以行母
有疾藥食必親嘗累旬日不解帶母卒哀泣至血執喪過禮終

喪不沐浴不鹽醢人以為難初居喪隣有火幟不可抹家人收
貲為出走計獨先生伏襯慟不去火且及屋壁遽自滅州長上
其孝行將得旌寵輒謝止之憲史張公揆行部閱其行義見其
所著文論薦之且約偕詣闕弗行居常晦默如愚人見貴人益
自閉匿然衣冠服器必整整與弟子講解音吐洒然而媿媿無
倦教授鄉里二十年嘗曰士讀書將以惠天下不幸不及仕而
教人為文行經術亦惠耳里之貧不能學者為給饘粥筆札教
之嘗行道間得遺金訪其主還之封識如故有盜入室竊布帛
去明日復來僕覘執之使縱之去舊有土田在東沙族人據有
之遂不問并以舊書歸之後其人感化皆於善類先生之於
孝友於蹈義執禮至此亦可謂之篤行君子者已先生前歿之
歲嘗夢為詩禮記其末句曰五湖四海一閑人及覺悟曰合五
與四一為十五十月疾驗矣四而虛其一為三明年三月吾疾
殆不起矣乎至期果符其言屬續神色不變時至正四年三月
二十四日也得年五十有三其徒秘謚曰孝友先生君娶顧氏
子男三長約次壁壁先卒約能世其學女二先生讀書之舍自
名曰于濶所著有詩經纂例大學中庸探說宋三朝摘要齋居
櫟錄并詩文若干卷藏于家葬其兩銘曰
人之機也我曰愚我之達也人曰迂嗟先生愚不如迂自居
四一以虛卒允符誠使徃愚以好用迺迂以利趨道弗信而
畫于途孰愈孝與友之謚于徒

元故樂間先生墓誌銘

公諱錫珪字君玉其先出唐學士亮亮遂良由河南遷錢唐子
孫所居號褚家塘其後有徙居茗城者亦以褚姓其巷今聚族

南潯之西朱塢庄者即自苕城來有起身科第者為宋迪功即
淮安縣丞士登公曾大父也宋將仕郎管元吉公大父也宋將
仕郎國史實錄院檢閱文字天祐公考也公性沉靜寡言自幼
有識量檢閱君嘗夜遇盜盜認君巾服欲刺之公潛以他衣冠
易之於庸皂而免長究心經史游庠序間獵獵有俊聲安定書
院舉之儒臺授求陽縣孝公曰吾親老且病忍一日去側耶雖
不仕得朝夕養吾親吾志周滿借有高位違孝而往不為也矧
縣孝師不能信所志者乎遂辭朝夕躬上食親前親有疾衣不
解帶者累月藥餌必親嘗乃進居喪哀而毀有常情所不堪既
葬追慕若將見之至老弗渝篤孝之行人無間言里父老訓其
子弟之事親必指公為則云族有貧不自給者則之粟貸不償
者焚其券又多蓄善藥以濟人平居雖然燕必冠對客則風流

談論務使之盡驩晚歲鑿池築圃蒔花竹以自娛創樂閒堂因
自號樂閒居士其在鄉間平率人物比漢陳寔博古而尤善知
今事人比唐齊幹行游城中邦大夫候其車音爭相迎致問時
政善不尊而稱之為樂閒先生公生於宋德祐五月二十二日
卒於今至元庚辰六月二十九日年六十有六娶張氏四男長
嗣良次嗣英出繼叔後次嗣俊嗣賢女一適董汝華孫男六應
椿應桂應松應杓應權應樞以至正三年正月六日葬于烏程
永新鄉大金峰塢之原傳曰施嬭女衣褐天下稱妍貴諸赤手
天下稱勇士之美者又豈籍區區爵位耶吾觀樂閒先生者是
已先生邵仕而閒為孝子為義士其卒也不應銘法勳銘曰
孝為則兮義不頗仕則少兮德則多先生之樂兮陰陽爭和
先生之則兮爭紀於瀆與河南之潯可竭金之罔兮可改我

銘其人不可磨

元故用軒先生墓誌銘

番有隱君子為用軒韓先生先生歿十年所其嗣元璧即克葬尚嚮哀弗置走余錢唐次舍拜有請曰先子生有輔世志訖不得祿位以札片言簡行有幾古人死又不得文而可傳者銘是與草亡木卒等不孝孤罪益甚吾子婁銘德人義士賢公卿先子世次言行具在歲志吾子哀而賜之銘非真不孝孤貫罪先世世遠有耀已余嘗觀杭圖志見有宋韓左廂者以進士起身由臨安令以嚴明陞臨安府左廂官臨安剽民財者白擎子聞公至皆屏跡謹曰韓廂明無白擎韓廂札白擎起未嘗不起慕其人問元璧曰即先生五世祖也按家乘韓為番著姓其先南陽人唐末徙徽之黃墩復遷饒之樂平歷宋擢科者代不乏

絕靖康間諱屏者中武舉尋自恥悔再游太學登文第官至臨安左廂者即治白擎者也諱仲龍丞相趙忠定公之壻以詩學五中待補者先生之祖也諱如璋遭宋革隱居讀書於里之北山號菜山先生者先生之考也先生諱思恭字德用學者尊之曰用軒先生先生幼不習羣弄蚤悟書數學長負器備好善惡惡甚色鬼里有不平事掀髯一言折於稠衆中衰者屈鬱者吐氣或為非義惟恐先生聞之若畏王彥方者邑大夫史公夢龍豪傑士也事先生如師先生嘗語之曰士敝不藩水煩者魚不肖守令者民之土水也又曰廉而不諒直而不決糊塗皂白以從事其敝甚跣吏公書其書于座右訟有不決者馳狀質先生憑一言舉置為曲直鏡有真國初以天姓督陶先生嘗領其事有獻榮者某室之基在陶某田之畔在汰即依榮毀室廬壞

溝計百十家立待先生不從曰損民利國非國福效利有誣民乎既而室若田者或來謝復拒之水旱疾疫必露香願天為衆告急告必有應歲飢率有力者食餼至藥病掩骼自奉薄甚頃師教子弟歲金節弊窮窮惟恐後事親至孝妣李孺人沒水漿不入口者三日因致重瘵菜山公年垂八衰晚多病侍藥膳不少懈病革不交睫至指掌代痛居喪一遵朱氏禮喪祭之具獨任不以綴伯仲氏配曰程夫人同里程剛愍公孫女也克相無違先生資以備於家先生卒子男四璧璫璿女二壻為玉恭簡公孫與善王知錄孫惟澤先生生於宋咸淳丙寅六月二十有八日沒于今至順壬申七月八日享年六十又七先是里之石龍岡有龜蛇交集勢秀峰離列下走兩阜為陂陀若雙蚌然兩源挾蟠出灑灑循龜蛇而東去龜之有二石筍相距尋丈間術

青烏者以為古人宅兆也先生喜之嘗挾榮止此語元璧曰吾百歲後必藏此於是明年八月某日葬于龍岡之甯用治命也吾聞士有隱德者必享其榮以及其子孫先生德人也享榮不于身使不祿位以沒荷其及者不在後之人乎元璧清明好學有仕才吾見左廂氏之重榮可必也銘曰

龍支之兮為蛇為龜
鱗龜之筍兮相擁相繆
下走隻蜂兮兩源挾流
小鍾草石兮大鍾俊髦
敘德之人兮悶于丘

故張君子墓銘

吳人張天祥既克塋先孝君被服斬絰謁予門拜有請曰吾子以文章銘世之賢公卿善人先孝君雖賤雅亡惡吳之人識不識咸稱曰君子人見先世多繇進士起幸子立一言信若惇史非直不肖孤幸先世世遠有耀已世次言行謹備壻馬良狀余

至蘇讀蘇郡乘知張吳顧陸為四顯姓而張氏蔓衍為獨盛今
又聞其後有君子人者張氏之澤曷其遠也哉按良狀君諱必
成字舜卿曾大父巡大父浩父愷俱隱德不仕其先自晉廣州
刺史彭祖後子姓至宋齊彌昌遂為吳大家遠前朝登皇祐進
士第者僑僑後顏顏後敏功敏功後攀四世皆第進士君攀八
世孫也生至正乙酉八月十七日卒至正戊子正月八日年六
十有四配陳氏子男三嫡天祥天德庶天祐女三人長適馬良
仲適程可大季適曹繼宗仲適出也孫男女八人人卒之年三
月三月十日塋長洲縣武丘鄉靈壽崗之原君生不好弄長簡
厚甚年十四喪父哀毀如四禮養母以孝聞事其伯氏若父既
冠娶自立盡讓田廬諸兄旁建宅一區客亭師舍靡不完好外
養市徒理生產日當畜藏必推其羨以及人弗恪兒婦入諫止

則日積弗散不有天菑有人既緩急扣門者應如不及佛老家
營大土木亦樂予之惟不樂貲遣子孫習吏術尋仕階以為業
今誤人之仕寧棄道路吾非不欲仕也仕而弗利人人覆我病
不若不仕兩忘失云平居氣貌和霽於物無忤雖家人妾僕未
嘗識其病疾聲怒色有以橫逆加之必自反久之其人意自消
晚年病痿痺弗接人事誠諸子曰予少自棄鑿延方伎士卻病
而病速施財非鬼覲福報報邈如惟寡欲迺大藥擇師傅教子
孫乃樹福本若輩識之故三子有仕才類弗奸祿天祥且繼志
築書樓購未見典籍藏之厚禮碩師以淑子姪及里中兒君聞
其為喜曰天祥為吾所未及為非生孝乎吾雖臥為廢人無憾
又誠諸子誓弗以婦言分異書田氏荆木事視曰無知如木尚
識所託况人乎若輩思之罔隊吾訓吾門其大矣其言鑿乎應

君子之教且過未嘗弗知知未嘗復為君子之仁也吾聞古者有諸侯大夫之位雖無德稱君子稱其位也有諸侯大夫之德雖無位君子稱其德也一介之賤稱君子

銘乎銘曰

位振人德振身振人者名歸之而尊弗親振身者天下歸仁日以尊親無群君子哉若人視予銘詩詩可信

蔣生元冢銘

生名元字亨之吳興安化鄉陳瀆里人也祖慶元主簿必直父宣政院掾克明元生質機警五歲入小學日誦書數千言十歲善屬文二十學明經義試有司不競輒自忿曰吾學經無師說吾黜宜也乃歸告其父曰會稽楊先生某東南授經之師吾將不遠千里執摯而北面之父憂其素病羸止之曰天其將門之

幸先生從吾聘汝學可已不須犇走千里學未可墜而我憂先為汝學之成不成卜於先生之來不來也予嘉其父子心往焉時至正四年十一月某日也閱三年元學成蔣氏之族咸相慶曰元以先生之來不來卜學之成不某等又以元之成不蔣氏之盛衰焉元成矣先生之賜不微矣蔣氏之慶長矣嗚呼又豈料元學成而娶娶而即死乎始余至元家元婦家催元娶速予語其父曰元娶學無成理遲吾業可授父力卻婦家娶期期三年而通嫌元得卒學婦家申娶期適相者又言曰元娶早早亡娶遲十年可免爾元父弗信娶焉娶未月而元病未期而元死矣於戲相者之言其得天歟得人歟元學吾春秋者也春秋之法以人合天不以天任天元之卒受教子其以人合天歟其取而即死抑以天任天者歟嗚呼人歟天歟吾不得而知之矣元

生於泰定元年四月二十七日死至正七年八月初六日也閱二十日無赴又閱二十日夜夢元衣其所常服來拜曰元死矣元幸遵先生教不娶而學僅有成不幸而符相者言急娶而速死也吾父兄將以某月某日葬元車注之原元學於先生無毫毛表世死無先生一言以表吾埋土吾其迄與黃土同腐乎予聞其言怛而警亟諾之明旦有扣門者乃蔣氏俾赴也予為之哭慟遂俾學子吳毅書其志復銘曰

生以人得天死不得天以人吁嗟元乎睿而病而屢未宦而皆力天厥身人耶吾不知其所因

華亭縣主簿王佳母夫人李氏墓誌銘

華亭縣主簿王佳母夫人李氏諱淑貞處州教授某之女教授君博極羣書而傳業在其女嘗曰吾女心嫁竒士年既笄適同

郡遂昌邑西平王氏迪功君之子延洪洪負卓越才以青年遊京師華衣奴馬從名貴之遊得遊徽官于湖西鬱林州未幾沒官所時夫人年方艾鞠養三子長學次佳次海擇以傳就學學回必親試其所誦書探其課對工拙為賞罰故三子克有成立夫人之教也至正戊戌鄉民乘亂為推埋剽殺夫人孳孳屬碎地松陽之眷家所長子學死於兵故廬燬於火夫人憂悖成疾辛丑冬十二月卒于眷家所明年春葺墓遂昌月山之麓龍鳳乙巳江表吳主廵攬英俊凡鉅室子弟有竒才者不次登用丙午秋佳在選中丁未春授官華亭縣主簿明年冬始獲歸葬于先塋西亭之原先遠日佳以其友葉微所著行狀來乞銘予客華亭親見佳健於趣辦浚蘇河領夫丁若干萬無失所慢役者漕糧四十餘萬至京城無後期繼漕麥五十餘萬淞麥以澇失

獲折銀估大家藉其稱貸鉅豪濟所急佐邑長聽獄訟先燭其欺後翦其蔓民自以為無冤滯得佐邑循吏稱豈非母夫人之教澤耶故樂為之銘曰

婦艾失夫子幼失父婦訖完其節子訖以才舉焚黃薦哀亦榮尔母我銘不已爰示來後叶戶

王母李氏墓誌銘

江陰王孝子作達去其母逝已十餘年猶作嬰兒謁於會稽楊維禎曰逢籍有立母教也傳見野史沈蒙氏未得名能文如韓愈氏者誌親逝不得韓公銘不孝今以屬先生先生幸哀而賜之銘辭不獲按狀夫人姓李氏諱靖真家獄官同郡潤之女女抗庫使王惠之妻生子一即逢也庫使君善律已起身憲漕累遷至永豐縣幕致事杭庫副使初姑徐氏器庫使君之為人

求可與齊者姻里皆賢李舊族教子女不違古訓求偶莫李氏若妣告宜笄五年歸于王婦道甚飭庫使君在吳時李侍姑就養姑清閑一記若一日舉族喟以為難其訓子嚴有法日給膏燭誦書約丙夜止或逾約輟誦至且罰餘食出就外傳之贊師物躬紡績以資之且多市古竒書廣其聞見逢齒壯所還徃皆海內一時名駿陰自憚曰兒不負我矣天曆飢民相引鼠偷率女奴疽績更寢盜不敢闕巷以為之歌曰東家辟纁西家穿窬其內治類此至正五年秋八月三日疾卒于夫官下壽五十九逢護襯旋葬黃山原逢齒今四十以才諳顯東州諸侯爭欲致門下浙憲使舉丘園俱不就風節益烈焉君民稱王母氏有子矣是可銘銘曰

子以母教者減母以子留者背長益後歐陽歐陽謝句嘻句

以王 先生自註曰以字旌也不可作助語辭

故鄒元銘妻金氏墓碣銘

吳常熟鄒元銘之妻金氏諱玉字孟姬寧國路旌德縣稅務大使辟之冢婦衛輝路管民長官司總管謙之長女廣德路道錄善信之孫漳州路龍興縣尹煥之曾孫也姬從幼慧齊性孝謹日在父母傍不忍頃刻離去撫婢御未嘗見迂氣其織紵組紃及音律書筭皆不習而工有過人者諷詩書即通大義讀烈女傳見有孝於親事舅姑盡苦節者必識之信踐之及歸鄒氏執職如禮甚育子若女自襁褓有法相其夫急人以義睦嫻任恤無不適宜焉舅姑皆稱賢無間言然慕父母未嘗一日替嫁凡十歲三歸寧及辭去戚戚如初嫁時今年遂以歸寧終父母家訃聞夫族齊望門哭曰某婦死無以成吾鄒氏家矣得年僅二

十有七生於至治辛酉十二月初五日卒於至正丁亥三月二十有五日女一人升奴男一人壽童元銘卜是年四月初一日附于武丘鄉半塘祖塋之原閱十日來請銘余住吳久之聞沙湖金氏為有禮法之家往往所適女多賢行都人士之詩曰彼君子女謂之尹吉尹吉者周大族有禮法之家也女有君子行必推自尹吉孟姬出大家而閑於禮法如此謂尹吉女非歟尹吉女為詩人所著而予為銘詩著孟姬閱其令質不永年使名氏有傳豈過乎銘曰

梓共而秀而天抱株驥隨地走而躓中途彼惡終天齡跛運長衢吾壹不知其所如嗟嗟乎孟女宜鄒大家孰長短於短之不足而長有餘誦我銘詩不人誣

東維子文集卷之二十五

東維子文集卷之二十六

墓誌銘

高節先生墓銘

會稽錢厓楊維禎撰

先生諱侶字君友姓嚴氏子陵三十五世孫也嚴本莊姓以漢明帝諱易之子陵以高名著史冊耕富春山鋤桐水年八十終娶梅氏西京壽春尉福女生茂茂生隆隆生卓由是而降踰唐歷宋衍為四家甲家傳格為先生曾大父潤王大父自中考也俱不仕先生生而有奇氣讀書不為覓舉計從學鄉先生漢英賈公賈公得於復齋趙公趙公得於潛室陳公陳公親授於晦菴朱子此其淵源也貴官至鈞臺訪先生勸之俸則曰漢雲臺諸將任非不赫赫今子姓無聞吾鼻祖去之一千三百有

餘年而高風遠韻與富山桐水相為峙流士奚必以仕而貴哉
其不敏頭為嚴子陵賢子孫足矣居家教授生徒有暮糧自甌
越來者宋相文山氏客謝翱奇士也雪夜與之登西臺絕頂祭
酒慟哭以鉢如意擊石復作楚客歌聲振林木人莫能測其意
也暮年建沙社為會取晚而有信翱卒無子與社中友買地塋
南塋之築許劔亭憲使盧公摯高其義為之書嘗游錢唐嶺石
塘胡公山村仇公過孤山酌林處士岳鄂王墓卒有動於中者
二人曰其常時如此親必不安亟歸及門遽有終天之別擗踊
氣絕者數四治喪祭一用朱子禮廬墓三年不稅衰絰不見賓
客有白燕巢墳木事母益虔母卒哀毀成疾幾不起每至生日
服墨縗哀慟踰它時所居堂名以高遠取郡守王秘已釣臺書
院語至順辛未冬十月晦疾革呼其子淵曰吾年已踰六十不

稱天奉祖祠四十年復土田教養無忝吾死何憾平疇西地吾
已買諸官死必葬是遂遊越若干年為至正丁亥始克葬賢者
故事有易名門人黃廷玉等私謚曰高節復請諸郡守祠于祖
祠西小室娶黃氏宋榜眼進士黃蛻曾孫女子一淵也越十年
丁酉余以建德理官過釣臺洲從余謁祖祠遂登雙臺訪子陵
釣迹因酌高節君墓又訪臺南謝奇士塚余為奇士立阡表明
年淵持廷玉所為狀來謁曰謝奇士表於吾子若有待先子之
行應銘法其待如奇士幸吾子銘之遂銘曰

於古風風乎胡可追千有百禩不畫厥岐不背厥馳矚乎不
知其後時我銘其人維高有堪維高有堪維遠有遺

馮處謙墓銘

至正丙申秋余以建德理官道富陽抵友馮頤家頤伯仲氏曰

升與豫皆相次去世豫之子宣衰衰前拜曰宣不孝先子以蚤
年歿外邸歿且六年未克塋今年冬某月日將柩吉峴祖墓以
幸先生哀而賜之銘庶先子不悼不百齡不孝孤不無蓋覆余
與頤為昆弟交三十年嘗銘其伯考父寺丞公考仁山公伯氏
升今入銘豫尚忍換筆耶君名豫字處謙宋承信郎僉嘉興府
廳事從周孫集賢殿脩撰驥從子承信君生三子長蒙歿次革
次觀革以孝義式鄉里外中書以義士旌其門義士生三子曰
升曰頤曰晉觀生二子一即君次仁君於伯仲居四蚤喪父義
士公撫之如己子君友悌長氏不翅同母出一門數百指怡怡
恂恂內外無間言義士公殖生日以饒君以里之困乏者勸分
援劉子曰惠君子君子得其福惠小人小人得其力利出者祿
反怨往者禍八公是其言又嘗謂人能群者以分能分者以禮

義士公逝歲時月旦相其長氏必請合族綴食之禮惟恐不及
君為人高亢剛直讀書務通大義與人友尚氣節痛遠烏集之
交狀貌魁梧美鬚髯達官要人皆折勢位友之曰君固我朝人
也薦之仕則辭曰吾剛不能售以磷吾直不能售以回薦者謝
而止娶李氏守南劔知府稚孫女一子宣也君慷慨戒曰瘠地
民材勞也沃地民不材饒也汝毋恃驕棄學使吾有沃地懼也
宣力學詔為名士君生于大德己酉八月八日以暑疾卒于杭
至正九年五月十三日也得年四十有二銘曰

不厲而剛剛不墜不橋而直直不踟小夫匍匐等禽犢歐然
我信無不足天路中止匪不祿寄言特義聞者服矧曰有子
子式轂長轂遐行續前躅

姚處士墓誌銘

君諱椿壽字大年其先出唐開元宰相崇曾孫秘監合嘗守睦
因家焉至六世孫為秘簿宗之宗之子三人一居峨溪曰二府
君是為君八世祖曾大父思晟登宋景定壬戌榜進士第階承
節郎大父潼翔宋鄉貢進士父元慶隱居不仕妣王氏司諫某
女君幼機敏不習群兒弄長年姿偉特讀書輒了大義闢樂育
館歲聘海內名師儒教子弟及里中兒君性端直平生無二言
與人交始終見底衷於義利曲直必嚴其下鄉隣有爭者不直
有司直於君得一言即解去歲飢周人之急惟恐弗及稱貨者
久則焚券與之創世濟橋峨溪上橋置亭歲五六月施茗飲饘
粥於行者行者不勸橋西古松篁萬立築亭名深淨又構層屋
曰松麓賢士夫往來必延致其中觴詠咲談至忘朝夕邦大夫
馬公薛超吾道經桐廬聞君枉道過門以處士禮禮之邑侯周

古達都等皆嘗問政于君君必以利害中民窳者鑿鑿言之
便其言者甚眾晚勉其弟同壽曰兄老病無宦情弟齒壯學裕
必廝名仕版圖光其先同壽因自奮北觀得餘干校官君娶袁
氏吉水教授某女也子三曰雋先卒次繁次采孫男四曰德元
德懋德祥德瑞君生於大德庚子五月十三日沒于至正癸巳
十月十九日得年五十有越三年十一月六日窆于桐君山北
孝仁之原又一年其子繁謁余理官次再拜泣曰先子介不樂
仕無功德可書然孝友行於家任恤行於里者不得文章家一
言以示不朽非先子不幸繁不孝也繁辱為先生從幸先生賜
之銘按其客鄉貢進士魏鈞狀為之誌而銘曰

桐之岡蚪蚪桐之瀨秋秋孝原一培山水相繆是為峨溪姚
處士之丘

故處士馮君墓誌銘

君諱天瑞字通甫世居和州之馬江縣曾大父某本郡幕府長
曾祖妣黃氏大父某隱德不仕祖妣慶氏君自幼機警讀書不
事章句務大義善屬文見人善必稱道不已見惡則嫉之如仇
議藝不售借途于郡史復自厭其筐篋之習竟辟歸卒業于儒
築草堂青山之麓日以書史課子招延賓客為觴詠之樂兵興
藩間以屢徵不應遊徼入境不敢犯處士門鄉里稱為季世之
全人乙未夏六月以疾終于寢榮年五十有九娶張氏先一年
卒生子一人居仁由帥府經歷調分水丞遷京城兵馬女一人
適同里汪晉再娶華氏生子二人長居義後更名榮由京都鎮
撫調神武清軍衛知事遷華亭知縣次居禮未仕女一人適同
郡鄧英公生于大元元貞丁酉九月四日沒於大明龍鳳乙未

六月二日時淮甸兵梗未得返故丘權厝周家圩之原戊申冬
合張氏兆歸葬于邑東東山祖塋之次是年秋居仁偕榮衰駢
拜予雲間邸次乞一言銘墓石且為孝子祿養不得於事生而
得先生大事於送終孝子孤之心亦揚矣是敢乞銘於先生辭
不獲為之銘曰

金以不祥躍兮壁以有用墜叶吁嗟先生兮是為全人

喬山處士程君墓誌銘

君諱德興字宗起姓程氏喬山野人其自號也世居無為州濡
須之巢縣曾大父某自巢遷和州之含山父福遂占籍焉其變
君挈家避地滁州閱三月而沒藁葬全椒縣之明山娶同邑司
氏君沒四年後卒于太平州藁葬采石之麓子二人長桂次清
女一人滿兒適同里孫官桂以才名簡知今天子於南京授

千夫長部落于同僉趙公征進宣徽安慶九江等處以功升鎮撫清京城廣武微百夫長君生于大元大德甲辰歿于至正壬辰四月初五日享年四十有九洪武二年桂遷柩于明山復遷妣樞采石合葬于巢之翟家嶠西關之原先遠日桂來拜予草玄閣次曰不孝孤生齒未丁壯不幸失所恃又三年失所怙零丁孤苦藉祖考澤得以造名仕版祿食于朝而三釜之養不能一勺及親此不孝孤終天之憾也倘死又不得當代大手筆紀其卒葬地所不孝之罪號天何以自贖是敢片先生從子明具狀以乞銘吾重違其情畀之銘曰

父嗑先兮無以家叶母去棄兮又以途於乎孝子之天天曷呼淮之西兮江之東歸合兆兮兆既同於乎孝子之天終從又銘曰

玉韞兮火烈木定兮風危親弗獲兮莫予追匪今茲兮我罹吁嗟翟氏之子兮我又何悲

淵默先生碑銘

至正十四年三月二十日壬午淵默先生余君卒既葬其友及門人問易名於會稽楊維禎維禎曰先生深靜而寡言嘗自號淵默宜從曰淵默皆應曰宜其子安禮又先生門人殷奎狀來請銘先生諱曰強字產莊姓余氏其先閩之古田人十二世祖榻仕宋官至吏部尚書受知徽宗即既徽宗手書余尚書祠額賜其子孫曾大父諱佑大父諱鄭父諱與可皇武夷書院山長自彌藍溪始居崑山為崑山人先娶趙氏無子再娶陳氏先生初藍溪為李後姓李氏至先生始復姓余云先生年十四喪父餘自樹立極力于學脩習容止歲趨圈豚如老成人既長學通

六經百氏博貫精析退然不知有餘且善屬文根柢六經不淆
異說其書有尚書補註若干卷藏于家嘗為舉子業已而厭其
剽取傳註文墨更衍其言不足傳遠遂絕意弗為居一晦之官
叱咤之聲不聞于外足跡未嘗一至庸貴富人門鄉人盡聞先
生然終身有不識先生為短長瘠肥者世壽五十有二配潘氏
生子二人長曰安禮次安禧女二人長適王居敬次適許淵葬
州南一里先塋之左塋之日朋友遠近畢至余曩米崑山與友
者纔四三人耳今余亦老矣去午一入卒先生又卒烏乎余尚
忍銘先生耶銘曰

驟之譴而皎駁之苑麟之變而豸兕之圈瑯鳴衝璜擇地而
淺吁嗟淵墨孰云其蹇

尚綱先生墓銘

先生諱德嘉字立禮姓衛氏其先渤海人七世祖文中宋朝散
大夫無侍講始居錢唐六世祖上達大中大夫禮部尚書又自
錢唐徙華亭建炎初大中公從叔大中大夫禮部侍郎膚敏扈
蹕南渡亦居華亭五世祖穉修職郎國子博士高祖端操朝奉
大夫衛尉少卿曾祖僑大中大夫軍器監丞祖宗武通奉大夫
資政殿大學士考謙入國初以世官後授温州路治中弗就妣
黃氏繼張氏男三先生甚長也在豎不好狎弄就外傳日誦經
籍數千言下逮諸子百氏靡不言究性孝厚懇誠晚年以風節
自持失儷二十有八年不二娶平居薦於人倫恬於勢利弱冠
時左丞郝公嘗辟為僕使君辭曰吾弗能為奴隸也宣慰羅公
舉以茂材授潮州路儒學正君又辭曰觸瘴毒以貽親憂吾弗
敢也自是不出戶庭者三十年布衣菲食以終其身每戒其子

曰汝不躬耒以耕佃人者及汝藉之食者宜予之以恩汝從父
縛佃以督逋予解而去之逋亦終不負汝識之至正壬辰盜起
剽州里解散者十室而九先生獨守祖考室曰吾舍此將何之
寇至吾有抱室死先祠下耳其孝誠之篤如此甲子春疾作其
子謁醫却之小差忽曰四月九日之夕吾當逝矣且曰汝父平
生無以過人僅不忝所生耳父書具在汝讀之為君子母有失
德玷吾世胄又母徇世俗作浮屠事壞吾家法言畢而逝生至
元二十四年丁亥十月十七日卒至正十四年甲午四月九日
享年六十有八娶任氏中憲大夫浙東道宣慰副使任公仁發
女子男二長仁近次復孫男二皆幼以是月二十九日葬余山
之原距逝之六年仁近猶衰衰來拜吾泐次舍乞銘予曩來泐
以友兄先生先生逝繫官侈不及走喪次業將醜其墓與一二

友私謚先生先生嘗自號尚綱翁宜以尚綱易名又不辭而為
銘表之墓石曰

曾子與若華元娶不更管又安世年不出死不兵仲統樂志
遺世榮陶子給力恩必矜嗟嗟兼德集以成清規若訓貽厥
仍我謚以綱夫何疑

雪溪處士邵公墓誌銘

予嘗客雲間雲間陸先生嘗稱胥水之南多世家邵呂陳陸其
尤也先生自其先館邵氏幾七世歷凡一百五十年又六邵氏
家老侍僮亦自高曾曾玄皆世其職業祿養為一家之世臣子
求世家於近代三葉而不替者豈矣矧六葉七葉乎客有持先
生狀雪溪公者抵予次舍為雪溪之壻倪琦也以墓文為請即
胥水邵也予欣鹽其世澤為之叙而銘公諱彌遠字子猷自號

雪溪有譜為康節公十世孫也高祖宗穆流避兵火渡江至華亭遂家焉曾大父德隆父思聰皆儒業教子以經術父天驥以易經中宗待補國朝崇學選士就試入郡庠升賽序弗居公待補吾家子也通父經博涉群子史為文取辭達不喜雕繪身服朴素亦不喜騎乘絕志仕官有勸之仕者則曰仕不在吾在吾若孫耳嘗戒其孫之仕曰古之博學深謀而不遇時者衆矣今之遇者大抵尸未腐而名已滅若輩其戒哉暮年假佛老學洗慮輕財急施至鉅沙門賑飢民無算民依而聚廬者無慮百十家所居四面大深悉逮石梁治園地第宅之東風日佳時必移觴豆以燕悅其親守義孰於先規年雖餘師生廩餼不輒廢也壯年喪偶懲閔子之寒弗繼室付妾御之慈愛者保育諸幼預營生域逮精舍守以浮屠而尊吾聖人像設其中嘗慕漢東平

王蒼以為善最樂又喜唐張公藝忍字為家法迺輯經傳言若與忍者為百善百忍圖州里多傳之為勸性不嗜酒客至必與飲飲輒醉醉輒放歌客亦無不樂者喪明者十年家事傳于家子南時燕月會必至花竹間其衣完濟濟然傳儀亦潦潦然如常時至正己亥夏病癰閱月餘悉召子若孫曰吾逝矣永訣不少亂或謂公直知宋滅為樂者儒而悟理者獸不然乎生宋德祐甲戌殆今至正己亥七月享年八十有六娶馮氏先卒男一南也廢三應奎應參應元女三孫五煥炳燁經綸女孫八曾孫五垠瑀埏煇炳子也麟煥子也是年九月六日葬某丘生域臨言有文行有馴蒼藝之教儆後昆歷年百五十而家有世臣引壽及耄終弗亂神君子謂善之澤吉之人

故處士倪君墓誌銘

吳興倪處士名驥字子舉沒且葬已九年其嗣子璨猶涕泣於其父之執楊維禎曰璨不幸蚤孤居喪無已聞先子沒若干年又不遑以名顯而墓道之石又不及求文章家者銘重璨不孝惟先子隱德不任其事業亡稱於世而人之知者益鮮非吾子以其及知書之何以伸先志且尉藉後人耶維禎為文靜先生門生也先生處士之父某父事先生遂與處士為弟兄處士銘何辭吳興之倪氏始顯於兵馬監押某公至文靜始大處士自幼喜讀書有遠志長與先生自為師友研極名理非世儒所能解嘗走京師以其所學干貴人不合即遂絕仕宦志人勸之仕則曰吾賴先廕免耒耜勞苦得稱處士菴中足矣去家之北三里所為毗山有園池花竹之勝先生且治冢舍其中處士時侍先生遊息於此登山臨水或坐盤石竟日無一言忽有所得則

寫之於琴琴不足又寫之於畫琴最善水雲遠意無俗師趣數節族畫亦有求工於人識者謂與今高吏部爭拙法於海岳菴至正元年處士之生四十九矣忽謂家人曰買臣五十當富貴吾明年五十當逝矣於是預為棺斂葬埋之具明年過得疾告其父曰驥平生一言一行毋欺暗室無負於大人矣惟溘先於大人不克報罔極為終天恨天實為之柰之何哉疾亟之曰夕尚疏喪儀爾其子戒勿用異教俗樂問夜何其二鼓矣曰盍秉燭我坐令家人勿哭遂瞑至正壬午九月六日也父文靚先生淵母鄭氏男四長璨次肅次璋皆習舉子業女三長適關元祿次許適楊詠未行次在幼孫男一承孫是年十一月十七日葬于烏程縣昆山瑩之北銘曰

四十九已知非又知死生可知處士不仕非不時五十為用

富貴為長苦之曲山之昆處士之墓藏於斯視後不朽吾銘
詩

元故陳處士墓誌銘

吳興吳淑巽公嘗以產主禮事余過余錢唐次舍談其徒之好
學者陳君善曰吳人師余數學于文獨君為義理學又曰陳氏
代以貨確其卿君始典學鑿乎期輩古之人端木生不學孔
氏終貨仗耳此余稱其好學也敢以見先生後余二十年過吳
興而君與吳公俱已隔世無幾趙伯陽氏將君之子嗣亨來謁
銘因為之感而銘諸君名良能字善之其先自陳武皇生湖之
長興白石里子孫至今蕃衍為君望姓郡城之南曰六老堂故
地君之考德新號恒齋者始徙居焉曾祖世昌祖日裕皆奕世
有隱行君自幼機敏恒齋公意有屬輒能先事承之公喜而撫

之曰大吾門者必是子也長習國字學干祿于執政者不合即
退閉門讀書務求聖賢旨趣皆思吳公以躬行之要其言曰在
正心心正則上合天理近當人情盡此之謂忠推此之謂恕時
時誦習其語以自儆莫年治生賞業益裕復拓居之北徧初宅
一區蔣花竹設器玩奉恒齋公以老壽九袞乃終君居喪水漿
不入口者三日喪絕一遵家法家禮歲時祀享極於精誠親所
耆好必其薦之縗黃澁祀皆屏去不惑伯兄蚤世奉丘嫂以禮
事仲兄情好怡如鞠孤姪恩摯如子友友以信遇宗族以仁厚
與同閉諸老月為鄉飲以相樂扁所居堂曰庸齋士友至者必
款留觴咏久益不勸君為人誠高量弘兼善論裁不苟同不詭
激鄉之人受其言視其行以為則惟恐過差聞於君即有聞必
陳誠勸止故其卒也咸感其人而哭之生於至元二十六年已

丑閏十月二十日歿於至正十年庚寅八月十八日得年六十
有二娶施氏子男一人嗣身孫男二人惟三習舉子業惟讓尚
幼是年十二月十五日墓于烏程縣三碑鄉陳寧子塢先塋之
次用治命也嗚呼君孝友讓于家忠信行于州黨學不為詞章
而究名理行不為厓異而趨平常是無愧於名齋且名處士者
宜得書而銘之銘曰

學以遵所聞孝行於厥家叶言確而人允行果而人趨祿則
不足慶有餘我銘其人後不誣

青門處士墓銘

予讀漢唐史至公孫述黃巢曾取隱士如李業周朴輩至於餘
毒海而不免則慘至鼎鑄烏乎隱者之生亂邦幸而免於後官
寺不幸卒為人所知乃致毒其身若比不亦可哀已我青門處

士魏一愚氏非無仕才冠抗者亦不知訪其人矣而處士

訖於市門卒燭而弗露越四三年以病卒正寢卒後三月寇復
至處士之廬與堞舍同燬方諸述崇時隱人之不幸處士何幸
哉是宜錄其人書之不使與齊民同殆也處士性醇懿親深恒
怕外梳閉置一身密屋中如處女然雖重客至不得面周親謂
請或一見即退平日危坐閱所蓄書幾萬卷然無他制作味其
旨而已其言行可為人勸者疏以示諸子凡積為若干帙處士
生某年死至正十六年正月七日也男六人女三人其孤本仁
持其友王謙狀來謁銘予在杭時識其人遂為銘銘曰

世之否無全士疾以戕兵以死吁嗟青門如處子貌之毀節
之嫩卒完所歸木以止木棺也出左傳

挽辭附

蘇先生挽者辭叙

公諱大年字昌齡西澗其自號也世家廣陵性開爽允直有碩學奇材不受公卿辟舉辛酉音吐文辭翰墨權謀智所皆絕出時輩至正癸巳兵興走徐州上大將策策天子聞而想見其人賞官編脩明年廣陵陷涉江隱隱吳市門又明年淮兵渡吳拜公市門起諮主句公誓一言抹砧鎖萬萬命定伯休兵公即冠竹服辭力乞骸骨恣往還笠澤松陵間別另林屋洞主庚子春扁舟泛三泖入鶴城訪予草玄閣曰子閣誦十年起攫上第如券取物柰鼠輩方擲偃月骰死爭得失子宜蹇且退又曰竟疽疾肉潰腹背潰吾將與子狂酣慎蹈瞪光景縣之耳癸卯秋予登天平石壁入城見公大堂公出妻子事按黎園奮部東為予留十日別明年詭抱犢山君貽余文二百十言奇譎甚律

諸古未知魁紀公者何如耳定約邀大小雷七十二并約未赴而公逝瀕終自著墓誌文告其子曰吾年近七十無憾憾者缺靈武觀鄒龍山約喬宜中死誓耳烏乎公夢矣九京不可作矣死之後若干日與公所游成某陶某周某相承祭于淞之干將山杪各賦挽者辭子辭曰

飄飄蘇仙公

浩氣凌八表

游戲濁世來

眼拍古今了

却上食菽臺

下視燕支沼

遺書世人

翩若鷺鴻矯

雙雷蒼翠開

清約隨空杪

高樓舊時月

照我夢皦皦

見尔林屋天

屋天夜如曉